

# NJEGHEESIYA NKULU SYA BBAIBBULI

*BINTU BIKULU EBI BAKULISITAAYO  
BAKUHILILIJAGHAMU*



©

ISBN: 9970-719-48-1



*... A library in every language!*

Lubwisi

Scripture Impact



# **Njegheesiya Nkulu sya Bbaibbuli**

*Bintu bikulu ebi Bakulisitaayo bakhikilijaghamu*

## **Teachings from the Bible**

*Some important things that Christians believe*

Translated by: Rev. Timothy Bandirana

Edited by: Musinguzi Charles

Lubwisi

Trial Edition, February, 2007 (300)

First Edition, 2009 (500 copies)

Second Edition

July 2011

2000 copies

ISBN: 9970-719-48-1

*Published in cooperation with*

© Kwamba/Lubwisi Development Association

P. O. Box 1171

Bundibugyo, Uganda

*and*

© SIL International

P. O. Box 750

Entebbe, Uganda

*This is a shell book.*

*Permission is granted for non-profit reproduction of this material  
in local languages only.*

### **Acknowledgements**

Illustrations by: Tim Holden, BTL, Kenya © (God, Trinity, Salvation, Sanctification, Communion, Prayer, Marriage, Heaven, Hell, Satan, End Times);

Illustrations by: Mbanji Ernest Bawe, Cameroon © (God the Father, Sin);

Illustrations by: © New Tribes Mission 1989, 1990 1991 1000 East 1st St. Sanford, FL 32771- 1487 (cover, God the Son, Baptism);

Illustrations by: Copyright © Language Recordings Inc (Australia) (Holy Spirit, Salvation, Other Religions);

Illustrations by: International Illustrations © (Bible);

Illustrations by: Louis Gull. BTL, Kenya © (church).

*All illustrations used with permission.*

Original text developed by the

BTL Language Programmes Department, Kenya, 1998 ©


abbaliye (Matayo 24:42-25:13; Maliko 13:32-37; Luka 12:35-40; 21:34-36).

Obu Yesu alikuuka alitwila bantu boona musango (*Dhaneeli* 12:1-2; Matayo 25:31-46; Bikoluwa 10:42; 17:30-31; 2 Batesolonika 1:3-12). Bantu abaamaliye kutunga buhikiliile bwa Yesu bali na kuguma ngu Luhanga taalibatwila musango, bhaatu balitunga bwomiili butahuwo (2 Bakolinto 5:10; 1 Batesolonika 4:13-18; 1 Yohaana 4:15-18). Nahabweki Luhanga alitwila bantu musango haabwa bikoluwa byabo (1 Bakolinto 3:11-15). Bantu babhi (bantu abataatungiye buhikiliile bwa Yesu) balitunga kifubilo kya kubana-bona kwa bilo n'ebilo (Kusuukululuwa 20:11-15).

Mu bilo bya mpelo bantu balihikilija mu maadiini ghaabo, beefoole abatamaniye Luhanga, abeemaniye kandi bajeemi (1 Timiseewa 4:1-2; 2 Timiseewa 3:1-9). Aliboho beegheesiya bakaniye baabisubha kandi baliihabisiya bantu bakaniye haabw njegheesiya yabo eghi ebhiihiye. Bantu babhi balyeyongela mu mahanga ghona kandi bulemo, njala na kubona-bona bilakalagh'o nanga bantu babhi aba. Abakugumisiilija bintu bini byona mu mulingo oghu Luhanga abbaliye, oghwa majima, aba niibo balijunuwa (Matayo 24: 3-14; 2 Batesalonika 2:1-17) Ekilekiye Yesu atakuuka bwangu, akubbala buli muntu wena aaghuwe makulu ghasemeye kandi boona bajunuwe (2 Peetelo 3:3-15).

beegheesiya njegheesiya ya majima bhaatu etali njegheesiya ya bisubha (Balooma 16:17-20; Bagalatiya 1:6-9; 2 Bakolinto 11:1-4,13-15).

## Kuhuwo kwa Nsi (Mpelo kedha bwile bwa kumaliilila)



Nsi eghi tulimu eni teekuukala ngoku ekali bilo n'ebilo bbaa. Obu Luhanga aaghihangiyi ekaba na ntandiko (*Kubanja 1*), Nahabweki eli naamaliililo dhee (*Kusuukululuwa 21:1*).

Kilo kimui Yesu aliisa kandi atwale bahikilija kuukala naye bilo n'ebilo, abaakuuye n'abaliba banakaaye (1 Batesolonika 4:13-5:11). Taaliyo muntu n'omui oghu amaniye bwile obu Yesu alikuukilamu (*Matayo 24:36; Acts 1:6-7*), bhaatu tukulaghiluwa kweyongela kuukala twetekaniije, niikuwo naakuukiye asange ntunakola ebi

## ODUBHE OSOME BINI!

### Kwanjula

Kitabo kini kyolekiye bimui haa njegheesiya Nkulu sya Bbaibbuli.

Bbaibbuli yegheeseeye bintu binji bikaniye kimui (byona tatukugubha kubimalayo bbaa.) Bhaatu ghani niigho ghanji haa majima ghakulu aghalimu, na byelilikano ebi Bbaibbuli ekwegheesiya'ho. Buli muntu abhonganuuwe kwesomela kandi kweyegheesiya Bbaibbuli niikuwo eetegheeleliye majima agha. Nkilungi osome Bbaibbuli bhyani kusaaliya kusoma bitabo binji ebibughiyo Bbaibbuli. Osomaghe Bbaibbuli bwile bwona niikuwo omanyeye majima ghaa bitabo binji ebibughiyo Bbaibbuli.

Ni kunihila kwatu tuti Bakulisitaayo kulugha mu maadiini ghoona na batali Bakulisitaayo boona bakusoma kitabo kini, kandi basome na bihandiiko ebyolekeewe mu bugho niikuwo weetegheeleliye majima dumbi obe wa bughabe. Luka 24:25

Kitabo kini bakugubha kukisoma kandi kukyegheesiya nkikolagana na Bbaibbuli, nkilungi osabe Luhanga akukoonele niikuwo ogubhe kwetegheeleliya ebi kikubugha.

Nuwaamaliye kusoma kitabo kini kandi kwetegheeleliya nkaala sya Bbaibbuli, okole bini: (1) Osabe Luhanga kandi Mwoyo Ahikiliye babe beegheesiya baawe kandi bakulinde kulugha mu kutalibana kwona. (2) Osome buli kitwike milundi ebili, niikuwo otunge makulu ghaakiyo ghoonini, bhaatu otatandikilo kusoma nkaala sya Bbaibbuli esi bakuhaaye otakadubhiye osoma kitwike kyona. (3) Otodhe

okuuke enuma osome bighambo buke-buke. Nuwaahikiye haa lukaala lwa Bbaibbuli, olulole kusemeeye kandi olusome weeghendeseliye kandi olwetegheeleliye bhyani, niikuwo omanyeki Bbaibbuli elubughiyo. Otwale bwile bukaniye noonakola eki. Bbaibbuli kedha bitabo binji byayo bikaakuba mbaabihinduuye mu mubughe ghwawe, nkilungi nkaala kuisoma mu mubughe oghu. (4) Kyokumaliilila, otodhe osome Kitwike kyona mulundi ghunji niikuwo otunge kighendeleluwa kyakiyo eki begheeseiyemu. Haa mulundi ghuni tookwetaaghisibuwa nkaala sy'omu Bbaibbuli bbaa.

kumukwamililaga boona (*Dhaneeli 12:1-2; Matayo 25:41*). Kuhikilija Yesu enkaha niikiyo kikugubha kujuna bantu kulugha mu maani ghaa Sitaani kedha bukama buwe, niikuwo bakuuke mu bukama bwa Luhanga (*Bikoluwa 26:18; Beefeeso 2:1-2; Bakolosaa 1:13*).

### **Diini sinji**


Bbaibbuli ekwegheesiyagha eti haliyo kihanda kimui kyonkaha kya muntu kujuniluwamu kandi Luhanga kumujuna bibhi biye atunge bwomiili butahuwo mu



eghulu. Mulingo oghu ni kusaalila mu mwana wa Luhanga Yesu Kilisito (*Yohaana 10:7-9; 11:25-26*). Mu *Yohaana 14:6*, Yesu akaghila ati, “Niisiye kihanda, majima na bwomiili. Taaliyo n'omui oghu alikidha ewaa Tita kuuy'o ansaliyemu.” *Bikoluwa 4:12* ekughila eti “kujunuwa takuli na muntu onji weena, taaliyo muntu onji weena [oghu asaaiye Yesu] oghu Luhanga aahaaye bantu kubajuna. Diini syona esikwegheesiyagha milingo enji hali Luhanga esi nsyabisubha. Buli muntu akwetaaghisibuwa kwetegheeleliya Makulu Ghasemeeye ghaa Yesu Kilisito kandi atuwemu akaakuba naahikilija Yesu Kilisito kedha neekolela ebi eye abbaliye. (*Matayo 7:13-14*).

Bbaibbuli ekutodhagha yeeghesiya eti mu kanisa hoonini niyo beegheesiya baa bisubha na balangi baa bisubha bali (*1 Timiseewa 4:1; 2 Timiseewa 4:3; 2 Peetelo 2:2*). Nahabweki tubhonganuuwe kwelinde kulengeesiy'o ebi bantu bakubughagha (*1 Yohaana 4:1-3*) kulola ngu niibuwo

tabalatungagh'o kasinge bbaa (Matayo 22:13; 25:30; Maliko 9:43,47-48; Kusuukululuwa 14:11; 20:10).



## **S̄itaani**

Bbaibbuli  
ekwegheesiyagha eti  
haliyo mwebembeli omui  
wa bilimū byona oghu  
bakughilaghamu S̄itaani  
(Maliko 3:22-23). S̄itaani  
akahanguwa ali omui mu

beebembeli baa baamalaika, bhaatu adheedheeluwa kimui, ekyalighiyemu ajeemela Luhanga. Dumbi baamubhinga kulugha mu baamalaika abakwete kuheeliye Luhanga, na baamalaika boona abaabaagha bamusembiye nabo baababhinga kulugha mu eghulu (Luka 10:18; 1 Timiseewa 3:6; Kusuukululuwa 12:3-4,7-9). Balem̄i babhi boona abali muni muni mbakwenda ba S̄itaani, nga kyakulolel'o kya mukama wa Bbabbulooni (Isaaya 14:12-14) na mukama wa Tila (Ejekiya 28:11-19) kitodha kibugh'o S̄itaani enini.

S̄itaani akwohiyagha bantu kujeemela Luhanga kandi kukola bibhi (Luka 4:1-13; 1Bakolinto 7:5). S̄itaani ni muhi wa bisubha kandi akudimaagagha bantu (Yohaana 8:44; Bikoluwa 5:3; 2 Bakolinto 11:14; Kusuukululuwa 12:9). Akulekagha bintu bibhi bikaniye bib'o bantu mu nsi muni. Bhaatu Bakulisitaayo tababhonganuuwe kuukala batuntuliiye S̄itaani, nanga tumaniye ngu Luhanga akutulinda --- Yesu akasingula S̄itaani (Luka 10:18-20; Yohaana 16:11; Kusuukululuwa 12:10-12; 20:10). Luhanga akateekanija Gehena haabwa S̄itaani n'aba

## **READ THIS FIRST!**

This book briefly shows some of the important teachings of the Bible.

The Bible teaches many other things (and we could never exhaust them), but these are some of the most important truths and ideas which the Bible teaches. Every person should read and study the Bible themselves to understand these truths. It is better to read the Bible than to read books like this about the Bible. You should always read the Bible to make sure other books are saying what is true.

It is hoped that Christians from all denominations as well as non-Christians will read this book and study the Scriptures given in brackets in order to come to an understanding of the Truth and be set free from false ideas and misunderstandings. Luke 24: 25

This book can be read and studied along with the Bible in groups or by individuals. Before studying the Bible, it is always good to ask God to help you clearly understand what it says.

**When you read this book and study the Bible verses, we suggest you do like this: (1) Pray to God and ask the Holy Spirit to be your Teacher and to guard you from confusion. (2) For each topic or section, read the text of the entire section through 2 times in order to get the main ideas, but do not yet look up the Bible verses. (3) Then go back and read the words again slowly. When you come to a Bible verse, look it up, read it carefully and study it to see what the Bible says about it. Take your time in doing this. If the Bible or parts of it have been translated into your own language, it is best to look up the verse in your own translation. (4) Finally, read the whole section of this book again to get the main ideas being taught. You don't need to read the Bible verses this time.**

## Bikulu ebili mu kitabo kini

	Peeji
1. Luhanga	3
2. Busatu	4
3. Luhanga Esetuwe	5
4. Luhanga mwana	6
5. Mwoyo Ahikiliye	8
6. Bbaibbuli	10
7. Bantu	11
8. Kibhi	12
9. kujunuwa	13
10. Buhikiliile	15
11. Kubatija	17
12. Kulungana	18
13. Kusaba	19
14. Kanisa	20
15. Buswele	22
16. Eghulu	23
17. Ekulimu	24
18. Sitaani	24
19. Diini sinji	25
20. Kuhuw’o kwa Nsi	26

akaghenda kuteekanija kiikalo kyabakumusijima (Yohaana 14:2-3). Tuliikala na Luhanga bilo byona (1 Batesalonika 4:17) kandi tulibona Luhanga bbeni-bbeni (Matayo 5:8; Kusukululuwa 22:4). Mu eghulu alibaayo bwomiili bwa mbaghanija. Taalitodha kubaayo kukuwa, kutuntula, kulila kedha kusaaliluwa (Kusukululuwa 21:1-4). Eghulu ni kiikalo kya bahikiliile (2Peetelo 3:13) kandi kya kuhumula (Kusukululuwa 14:13), kiikalo kya kyeleleli kandi kya kitiinisa kya Luhanga (Kusukululuwa 21:23; 22:5).

## **Ekulimu (Kiikalo kya kifubilo kya bilo n’ebilo )**

Bbaibbuli ekwegheesiyagha eti muntu weena oghu atahikiliije kandi oghu atakwamiliye Yesu Kilisito Luhanga alilaghila bamukube mu geheena, hambali mulilo ghutakulimagma.



Bantu balitungilayo kiinigha kya Luhanga kya maani kandi batunge kubonabona kwa kifubilo ekitalihuwo haabwa bibhi byabo (Matayo 25:46; 2 Batesalonika 1:8-9; Kusukululuwa 14:6-12).

Mu Bbaibbuli Geheena baghibughiy’o mu milingo eghi etasusaane, kya kulolel’o: Mulilo ghwa bilo n’ebilo (Matayo 25:41), Mwelima ghwa maani (2 Peetelo 2:17), Nanja ya mulilo (Kusukululuwa 20:14-15). Aba Luhanga alilaghila bakube eghi balitunga kubona-bona kwa bilo n’ebilo kandi



mwebembeli wayo, niikuwo na mukali oghu asweuwe abhonganuuwe kudhootola atiyoo eba wee nga mwebembeli wee (Beefeeso 5:22-33).

Musaasa kedha mukali naakuuye, Bbaibbuli ekwegheesiyagha eti mukwisiya (musaasa kedha mukali) akugubha kuswela kedha kusweluwa muntu onji weena oghu atali na mukali kedha musaasa onji oghu atasweye (Balooma 7:2-3).

Mukulisitaayo naasweye kedha asweluwa, abhonganuuwe kuswela kedha kusweluwa Mukulisitaayo dheer (1 Bakolinto 7:39; 2 Bakolinto 6:14-15). Mukulisitaayo taabhonganuuwe kubhinga mukali oghu atali Mukulisitaayo mbabaaye bakundangaane kandi bali na kasinge (1 Bakolinto 7:12-16).

## Eghulu



Bbaibbuli ekwegheesiyagha eti Eghulu niikiyo kiikalo eki Luhanga akuukalaghamu (*Kyomubusinge 26:15; Jabbuli 115:3; Matayo 5:16,34; 6:1,9*) na bamalaika be (*Matayo 24:36; 28:2*). Ebi Luhanga abbaliye bikukoleluwagha mu Eghulu (*Matayo 6:10*).

Luhanga akalaghiisaniya ati bantu boona abahikilije Yesu kandi abadhooteeye Luhanga baliba boomiili bilo byona mu (bukama bw'omu eghulu) (*Matayo 7:21; 19:28-30; Maliko 9:47; Yohaana 3:14-16,36; 17:2-3; Bikoluwa 14:22; 1Bakolinto 6:9-10*). Yesu

## Luhanga



Bbaibbuli ekwegheesiyagha eti haliyo Luhanga omui enkaha (*Kyabilaghilo 4:35,39; 6:4; Jabbuli 86:10; Isaaya 46:9; 1 Bakolinto 8:4; Bagalatiya 3:20*). Luhanga ni Mwoyo (Yohaana 4:24). Taaliyo n'omui oghu aaboone Luhanga

bbeni-bbeni (Yohaana 1:18). Luhanga akahanga Nsi, Musana, hamui na Nsooliya. Aatodha aahanga bisingo, bisolo, hamui na bantu. Aahanga byona ebi tukubonagha n'ebi tutaakubonagha (*Kubanja 1-2; Bikoluwa bya bakwenda baa Yesu 17:24-26*). Luhanga akuukalagh'o bilo byona. Akaba aliyo, kandi akuukal'o bilo n'ebilo (1Timiseewa 1:17; Kusukululuwa 1:4)

Luhanga Ahikiliye, kandi taali n'eki bakumusoghosagh'o kyona bbaa. (*Isaaya 6:3; 1Peetelo 1:15-16*). Luhanga ni kyeleeli hambali ali taaliyo mwelima ghwona bbaa. (1Yohaana 1:5). Haabwa Luhanga kuba Ahikiliye kwonini, oohiye kibhi (*Nsimo 6:16-19; Jakaliya 8:17*) kandi alitwila musango musisi weena oghu anabhengiye kwekuukamu (Yohaana 3:36; Balooma 1:18-19). Luhanga ali hantu hoonna kandi akuukalagha aloliye hoonna-hoonna (*Yelemiya 23:23-24*). Taaliyo oghu angugubha kwebisiilila Luhanga (*Jabbuli 139: 7,12; Bahebbulaniya 4:13*). Luhanga ali na butoki bwona kandi akugubha buli kintu kyona. Taliyo oghu ali na maani ghasaaiye ghaa Luhanga (*Yelemiya 32:17,27; Matayo 19:26; Luka 1:35-37; Kusukululuwa*

ya Luhanga (1 Bakolinto 3:9-15), bantu b'omu numba ya Luhanga (Beefeeso 2:19; 1 Timiseewa 3:15).

## Buswele

Bbaibbuli ekwegheesiyagha eti Luhanga niye akat'o buswele nahabweki bantu babhonganuuwe kutaamu buswele kitinisa (*Kubanja 1:27-28; 2:22-24*). Musaasa atalibhinga mukali wee kandi mukali atalilugha mu eba wee, nankabha omui mu bo akola kibhi kya kusyana (*Matayo 5:32; 19:3-9*). Luhanga oohiye kubhinga (*Malaki 2:16*). Muntu taabhonganuuwe kwetaahiya mu nsonga sya busyani naasweye kedha naasweuwe. Ngeso sya busyani esi bantu bakwetabaghamu hanja ya buswele eki nkibhi bakubaagha mbakola (*Matayo 5:27-28; 1 Bakolinto 7:2; 1 Batesolonika 4:3-8*).



Bbaibbuli ekwegheesiyagha eti abaswelaane bakundangane kandi bahaane kitinisa. Nkibhi munu-munu mukali kedha musaasa kutuwa ndaghaano yee eghi baalahiye obu baaswelanganagha. (*Malaki 2:13-16; Beefeeso 5:21-33; Bakolosai 3:18-19; Bahebbulaniya 13:4; 1 Peetelo 3:1-7*).

Ngoku Kilisito aakundiye kanisa akooleka kyakulolel'o ngoku musaasa abhonganuuwe kukunda mukali wee. Ngoku kanisa ebhonganuuwe kusijima Kilisito nga

(Bikoluwa 2:46; 8:1,3; 13:1; 16:13; 19:8-9; 20:17; Balooma 16:5,23; 1 Bakolinto 1:2).

Kanisa ekunihiluwa kulamiya na kikughija Luhanga, kukundangana, kukola bintu bisemeeye kandi kughambila bantu banji ebi Luhanga aabakoleeye (Matayo 5:16; Yohaana 4:23-24; 13:34-35; Beefeeso 1:12; 1Timiseewa 2:8-10; 6:18; Bahebbulaniya 10:24; 13:15-16; 1 Peetelo 1:22; 2:9; 1Yohaana 3:23; 4:7-12; Kusukululuwa 19:4-5).

Kilisito niye mutuwe ghwa kanisa kedha mwebembeli wa Kanisa (Beefeeso 2:20; 5:23). Luhanga akatodha aat'o beebembeli baa muni muni. Mu ndaghaano Mpyaka tuboone balangi na bakwenda nga beebembeli kedha bakulu baa kanisa (Beefeeso 2:19-20; 3:5). Baheeleliya banji aba bamaniye batebeji baa Makulu Ghasemeeye ghaa Luhanga, Baliisiya, na beegheesiya (Bikoluwa 13:1; Beefeeso 4:11; 1Bakolinto 12:28-31; 1Timiseewa 2:7; 2Timiseewa 1:11; 4:5; Yakobbo 3:1). Mu kanisa ya muni muni elimu beebembeli na bakooneli baa bahikilija (Bikoluwa 14:23; 15:2,4,6; 20:17,28; Bafilipi 1:1; 1Timiseewa 4:14; 5:17-19; Yakobbo 5:14). Bantu babhonganuuwe kuukala mu bwomiili obwolekiye kitinisa kya Luhanga kandi babe Kyakulolel'o kya bantu aba beebembeeye (1Timiseewa 3:1-13; Tito 1:6-9; 1Peetelo 5:1-3).

Luhanga akukoleesiyagha byakulolel'o bikaniye akaakubaagha naabugh'o kanisa: Mu mubili ghwa Kilisito (Bakolosai 1:18), Kilisito nga Mugholi (Beefeeso 5:22-33; Kusukululuwa 19:7-9; 21:2,9), Ntaama sya Luhanga (1Peetelo 5:2-3), Kibugha kilukwela (Kusukululuwa 21:2,27), Musili ghwa Luhanga (1Bakolinto 3:7-9), Numba


11:17). Luhanga amaniye ebikughenda kub'o nankabha biba bitakabaay'o (Isaaya 48:3,5). Eye ni wa bwenganija mu kutwila bantu musango Jabbuli 98:9; Yohaana 5:26-27,30; 1Peetelo 1:17; Kusukululuwa 20:11-15).

Magheji ghaa Luhanga ghasaaye agha bantu boona bali nagho (1 Bakolinto 1:25; 2:6-11). Taaliyo muntu n'omui oghu akugubha kwetegheeleliya Luhanga akamalayo (Kyabilaghilo 29:2; Isaaya 55:8-9; Balooma 11:33-34). Luhanga amaniye buli kintu (1Yohaana 3:19-20; Kusukululuwa 2:23). Luhanga ali na kugumisilija kwa maani (Kuluga 34:6-7; Balooma 4:4; 2Peetelo 3:9). Luhanga taakuhindikagha mu njikala yee (Kubala 23:19; Malaki 3:6; Bahebbulaniya 13:8; Yakobbo 1:17). Taaliyo muntu n'omui oghu asusiye Luhanga (2 Samwili 7:22; 1 Ekyobyomusinge 17:20; Isaaya 40:13-25; Yelemiya 10:6-7). Luhanga akundiye bantu aba aahangiye kandi akubbala nabo bamukunde dheer kandi bamulamiye (Kyabilaghilo 6:13; 33:3; Matayo 22:37; Yohaana 3:16; 1Yohaana 4:8,16; Kusukululuwa 4:11).

## **Busatu - “Busatu obuli mu bumui” ( Luhanga Esetuwe, Luhanga Mwana na Luhanga Mwoyo Ahikiliye)**

Haliyo Luhanga omui (Kyabilaghilo 6:4; 1 Bakolinto 8:4), bhaatu naye ali mu busatu.

Yesu bamumaniye nga mwana wa Luhanga, taasusiye na ngoku mwana mukelembe akubaagha na babyaye be bbaa. Obu Bbaibbuli



ekughilagha eti Yesu ni “Mwana wa Luhanga” Luhanga niye “Ese wee”, kikumaniisiya ngu babili aba bengana-ngaane kandi baasusaane. Bakukolagha nga muntu omui (Yohaana 1:29-34; 5:16-18; 10:31-39). Bali hamui mu ebi bakwelilikanagha n’ebi bakukolagha. Yesu akaba ali hamui na Ese wee obu bahangagha Nsi (Bahebbulaniya 1:3,9; Yohaana 1:1-3,14,18; 14:7-11; 17:1-5,24).

Haliyo muntu waa kasatu oghu asusiye kimui Luhanga Esetuwe na Luhanga Mwana, kandi bintu byona bakubikolelagha hamui. Obu Nsi yaahanguwagha Mwoyo Ahikiliye akakolela hamui na Luhanga Esetuwe, na Luhanga mwana (*Kubanja 1:2,26*). Obu Yesu aahumbukiye, naakuuka ewaa Ese wee, Mwoyo Ahikiliye aasa kuukala muni muni. Ti kukwama mu Mwoyo Ahikiliye niighuwo mulingo Yesu akugubha kuukala na bahikilija be mu Mwoyo (Matayo 28:18-20; Yohaana 14:15-17,26; 15:26; 20:22; Bikoluwa bya bakwenda baa Yesu 2:1-4,16-18,32-33; 16:6-7).

Luhanga Esetuwe niye bwile bwona tukughilaghamu Luhanga (Beefeeso 1:2-3; 1Peetelo 1:2). Batodhiye baamubugh’o nga mujuni kandi mucunguli (*Isaaya 63:8-10, 16*). Luhanga ni Mwoyo (Yohaana 4:24).

Na Yesu Kilisito akabugha ngoku eye ali Luhanga (*Isaaya 9:6; Yohaana 1:1; Bakolosaa 2:9; Bahebbulaayo 1:8*) baatodhiye baamubugh’o nga mujuni waatu kandi nga omui oghu akatucungula (Yohaana 4:42; Tito 2:13-14). Yesu akooleka ngoku aabaagha na Luhanga obu aghaniye bantu bibhi byabo (Maliko 2:1-12).

## Kanisa

Bbaibbuli ekweghesiyagha eti Kanisa ekoleewe bantu boona abahikilije Yesu Kilisito nga mukama wabo kandi Mujuni wabo. Bahikilija mu Kilisito basusiye mubili ghwa Kilisito bilo bini (1 Bakolinto 12:27-28; Beefeeso 1:22-23). Yesu alemiye kandi akundiye kanisa yee (Matayo 16:18; Bikoluwa 20:28; Beefeeso 5:23-30; Bakolosaa 1:18). Weena oghu ahikilije Yesu abhonganuuwe kusabagha Luhanga buli kilo kandi asabile bahikilija banji (Bahebbulaniya 10:25).



Haliyo milingo eghi ekaniye kimui ya makanisa ghaa Kikulisitaayo bilo bini, bhaatu syona ni mubili ghumui ghwa Kilisito (Bagalatiya 3:27-28; Beefeeso 4:3-4). Luhanga taabbaliye ati Kanisa Yee (mubili ghwa Kilisito) yebaghanije bbaa (Yohaana 17:20-23; 1Bakolinto 1:10-13;

Bakolosaa 3:11-15). Nga bantu abali bamui mu Kilisito, tubhonganuuwe kukundangana tutaakuusuka diini syatu esi tulimu. Mu Ndaghaano Mpyaka tatukusangaghamu diini sya mbaghanija bbaa, bhaatu kanisa emui mu buli tauni, mbasanga-sangana mu maka ghatali ghaa mulingo ghumui kedha mu byombeko bya mbaghanija kedha hanja

takukuukaghamu Nsaala sya bakumusabagha mbamughuluka-ghulukiya mu mikolele (Yakobbo 1:5-8; Malako 11:22-24). Musaasa atatwahiye mukali wee kulungi, Luhanga taakuughuwa kusaba kuwe (1 Peetelo 3:7). Luhanga akuughuwagha kusaba kwa bantu badhooti kandi abeekuukiyemu na majima (Luka 23:39-43; 18:9-14; Yakobbo 4:6).

Tubhonganuuwe kusaba na budhooti kandi mu nsita (Matayo 6:5-13). Tubhonganuuwe dheer kusabila mu bibbula bya bantu niomu bahikilija banji (Matayo 18:20; Bakwenda 1:13-14; 16:13) kandi na maka ghaatu (Bikoluwa 21:5). Tubhonganuuwe kusabilangana (Yakobbo 5:14-18).

Bbajbuli ekwegheesiyagha ngu okugubha kusaba Weemiliye (*Nehemiya 9:5; Kubanja 24:12-13; Maliko 11:25*), bamukiye mikono yabo (1Timiseewa 2:8), bateeye (*Ejila 9:5; Beefeso 3:14-17*), bateeye (*kulugha 34:8-9*), basitamiye (*1 Kyebiyomubusinge 17:16ff*), makpungbu (Matayo 26:39). Muntu akugubha kusabila mu Mwoyo ghuwe na mu biteekelejo (Balooma 8:26-27; 1 Bakolinto 14:14-15; Beefeso 6:18; Yuda 20). Muntu naabaaye naabbala kusabila mu mibughe ya mbaghanija, kibhonganuuwe kikoleeluwe mu nsita bhaatu etali mu kanisa hambali bantu bagumbaane (1 Bakolinto 14:1-19).

Haliyo byakulolel'o bikaniye bya kusaba mu Bbajbuli (*Nehemiya 1:4-11; 1 Kyabakama 8:22-54; 2 Kyemubusinge 20:5-12; Matayo 6:5-13; Bakwenda 4:24-31; Beefeso 1:17-21, 3:14-19*).

Na Mwoyo Ahikiliye oolekeewe nga Luhanga (Bikoluwa bya bakwenda baa Yesu 5:3-4; 1 Bakolinto 3:16; 12:6,11).

Nahabweki, Esetuwe, Mwana, na Mwoyo Ahikiliye, ni omui, boona ni Luhanga (Matayo 28:19; 1 Bakolinto 12:4-6; 2 Bakolinto 13:13(14)).

## Luhanga Esetuwe

Bbajbuli ekughilagha eti aba Luhanga aajuniye bamughilaghe bati "Esetuwe" (*Kyabilaghilo 32:1-6; Balooma 8:15-17; 1 Yohaana 3:1*). Esetuwe w'omu eghulu ni oghu tukubughagha naye mu nsaala (Matayo 6:9).

Luhanga Esetuwe taakusobiyagha kantu koonna bbaa (*Isaaya 64:8*) kandi atukundiye kimui (*Isaaya 43:1-6*). Eye

asaaye babyaye baatu baa muni muni (*Isaaya 63:16; 49:14-16*). Esetuwe w'omu eghulu akutuhanagha nga baana be niikuwo tube badhooti kandi bahikiliye (*Yubbu 5:17; Nsimo 3:11-12; 2 Samwili 7:14-15; Bahebbulaniya 12:4-11*). Luhanga Esetuwe akubbalagha ati tumubbale hambali ali, tumukunde, kandi tumudhotele. Luhanga ali na butoki bwa maani, kandi alemiye buli kintu kyona (*Jabbuli 62:11; Bikoluwa bya bakwenda baa Yesu 17:24-28; Kusuukululuwa 19:1*). Luhanga ni ese wa batali na beesebo muni (*Jabbuli 68:5-6*). Ali na kisa, ni mubyaye oghu akundiye baana be (*Jabbuli 103:11,13; Isaaya 46:3-4; Luka 6:36; Yohaana 14:21,23; 16:27; 1 Yohaana 4:14,16*).



## Luhanga Mwana

Bbaibuli ekughilagha Yesu eti ni “Mwana wa Luhanga” eki kikumaniisiya ngu Yesu engana-ngaane na Luhanga (Maliko 3:11-12; Yohaana 5:16-18; 10:22-39). Yesu kuba mwana wa Luhanga takisusiye ngoku muntu akubyaluwagha babyaye be. Luhanga Esetuwe taahangiye Yesu, bhaatu Yesu akaba haliyo bwile bwona (Yohaana 1:1-14). Luhanga akahanga Nsi naasaalila mu (Yohaana 1:10; Bakolosai 1:15-17). Yesu ni Luhanga (Yohaana 1:1; Bakolosai 2:9; Bahebbulaniya 1:8). Yesu akasiima kwisa muni muni, aabyaluwa nga mwana. Nina wee baamughilaghamu Maliya, bhaatu Yesu taabaagha na ese wee nga muntu. Maliya akeetulakaka akuliiye haabwa maani ghaa Mwoyo Ahikiliiye (Matayo 1:18-25; Luka 1:26-38). Luhanga taabaagha asweye Maliya bbaa. Yesu akaba ali muntu ng’atu (Mwana wa muntu) (Mwana wa Luhanga) dhe (Isaaya 9:6; Dhaneeli 7:13-14; Maliko 2:10,28; Luka 18:31; Yohaana 3:18; 6:27; 14:1,9-11).

Hambele Yesu atakabyauwe, Luhanga akaleka balangi baamanya ebikughenda kub’o. Balangi aba baalanga ngoku Luhanga alituma mukama oghu aakomiye kulema, oghu akuseesuw’o magita kuba mujuni wa Bayudaaya na bantu banji boona baa muni abakumusiima (Matayo 16:16; Yohaana 1:11-12; Bikoluwa bya bakwenda baa Yesu 2:36; 10:34-35,43; Balooma 1:16). Obu Yesu aasiye (mulundi



## Kusaba

Bbaibbuli ekwegheesiyagha eti Luhanga akutegheeleliyagha bantu boona abakumusabagha mu nsaala, obu bakusabagha mu liina lya Yesu (Yohaana 14:12-14; 15:16; Yakobbo 5:14). Kusaba mu liina lya Yesu kikumaniisiya kusaba ngoku Yesu eenini angubaaye asabiye kedha kusaba mu mulingo oghu Yesu atuhaaye ati tusabilaghemu (Matayo 18:19-20). Kikumaniisiya ngu twesighiye Yesu eye oghu akatuughulil’o kihanda kya ewaa Luhanga Esetuwe (Yohaana 16:24). Tubhonganuuwe kusaba bintu ebili mu kubbala kwa Luhanga, ebi Luhanga akubbalagha, kandi ebikulekagha bantu bakughija Luhanga. (1 Yohaana 5:14-15). Tubhonganuuwe kusaba ewaa Luhanga kandi tube bantu abakumusiima bwile bwona (Beefeeso 6:18; Bafilipi 4:6; 1 Batesolonika 5:16-18).

Yohaana 17 oolekiy’o haa Nsaba emui ya Yesu. Nahabweki Yesu endindi asitamiye haai-haai na Luhanga kandi niibuwo aatusabila (Yohaana 17; Balooma 8:34; Bahebbulaniya 7:25).

Mwoyo Ahikiliiye akukoonelagha Bakulisitayo mu kusaba (Balooma 8:26-27; Beefeeso 6:18).


Tubhonganuuwe kusaba na mutima ghusemeeye nitwabaaye ntubbala Luhanga kutuughuwa (Jabbuli 66:18-20; 1 Peetelo 3:7). Luhanga taakusiimagha nsaala sya kwefuwo uwe wenkaha bbaa (Yakobbo 4:2-3). Luhanga



3:16; Yohaana 1:33; Bikoluwa 1:5; 2:1-21; 8:15-22; 10:44-47; 11:15-18; 19:1-6).

## Kusembela (Bughenu bwa kuusuka kukuwa kwa Yesu)

Etuwe Bakulisitaayo tukaakukolagha bughenu buni, tukuusukagha kandi tusiima ngu bibhi byatu bikaghaniluwa haabwa Yesu kukuwa mu kiikalo kyatu kandi tatulifubiluwa na luku ngoku kyali kitubhonganuwe. Yesu akaghambila bakwenda be kuusukagha ndaghaano yee mpyaka na kukuwa kuwe obu tulabaagha ntuliya kiihulo eki kedha (kedha kukola kighenu eki). Bakulisitaayo bakubaagha na kighenu kini kuusuka kukuwa kwa Yesu nga Kihonguwa. Ni mulingo ghwa kwoleka ngu twesighiye mubili ghwa Yesu ngu akakuwa kandi ngu saghama yee yaseeseka niikuwo asaasule bibhi byatu. Obu tukuliyaagha mugati kandi tunuwa Viini tukubaagha ntuusuka eki (Matayo 26:26-28, Luka 22:19-20, 1 Bakolinto 10:15-17). Bakulisitaayo babhonganuuwe kukola eki (Kujaghuja Kighenu kini) kuhikiya obu Yesu alikuuka (1 Bakolinto 11:23-26). Bakulisitaayo babhonganuuwe kwelola bonkaha mbabaaye mbajaghuja kighe nu kini kulola ngu baakikoliye haabwa nsonga eghi ehikiye (1 Bakolinto 11:27-34).



ghwokudubha) akaasuliisiya bintu bikaniye ebi balangi baabughiye ebi tukusomagha mu Ndaghaano Nkulu (Luka 24:25-27,44-49; Bikoluwa bya bakwenda baa Yesu 3:18).

Masomo aghakwet'o Mukama oghu Luhanga aakomiye kulema	Bulangi	Kuusulisibuwa kwa bulangi obu
Kumubyalila e Bbeteleheemu	Mika 5:2	Matayo 2:1-6
Manaabukali atamaniye basaasa niye akamubyala	Isaaya 7:14	Matayo 1:18-25
Kwegheeseliya mu nsimo	Jabbuli 78:2-4	Matayo 13:34-35
Kuba mulangi	Kyabilaghilo 18:15	Bikoluwa bya bakwenda baa Yesu 3:20-22
Bantu kubhenga ebi akwegheesiya	Isaaya 53:3	Maliko 9:12; Luka 23:13-25; Yohaana 1:11
Bhootu siye kumughobeliye	Jabbuli 41:9	Yohaana 13:18
Kumuha sente sikaniye (bitwike 30 bya feeja)	Jakaliya 11:12	Matayo 26:14-16
Kuholiya mu maaso ghaa baamutonganinyagha Pilaato	Isaaya 53:7	Maliko 15:4-5
Kumuhuula kandi kumuhutaaliya	Isaaya 53:5	Matayo 27:26; 1 Peetelo 2:24
Kukwatuwa eliiyo lya maani	Jabbuli 22:15	Yohaana 19:28
Kukuwa bamutobhongoye mubili ghuwe	Jakaliya 12:10 Jabbuli 22:16	Yohaana 19:34,37; Yohaana 20:25,27
Kughabana biluwalo biye	Jabbuli 22:18	Yohaana 19:23-24

Taaliyo n'ekuwa na limui kuhendeka	Jabbuli 34:20	Yohaana 19:32-33,36
Kuhumbuuka mu bakuuye	Jabbuli 16:10 Jabbuli 49:15	Luka 24:1-7, 36-44 1 Bakolinto 15:4-7

Yesu akeegheesiya Makulu Ghasemeeye ghaa ngoku akujuna bantu be. Yesu aakola byakuswekaniya bikaniye kwoleka ngoku ali mwana wa Luhanga. Aaghanila bantu bibhi. Aakiliya abaaghaaye maaso, ntaama-taami, na balema. Aabhing'o bantu bilimu ebyabaagha bibakwete. Ooleka maani ghe haa byahanguuwe (kyakulolel'o, Kyegha haa nanja. ) Aatodha aaleka bantu baaba boomili (Matayo 9:2-8; 20:29-34, Maliko 1:22-34; 4:37-41; Yohaana 5:1-19; 9:1-34; 10:36-38; 11:1-46; 14:6-11, 20:30-31).

Yesu Kilisito akakola bintu bisemeeye bikaniye, niye enkaha muntu oghu akaakala muni muni ahikiliye kandi atali na kibhi kyona (Bikoluwa bya bakwenda baa Yesu 3:14; 2 Bakolinto 5:21; Bahebbulaniya 4:14-15; 7:26-27; 1 Peetelo 2:21-22; 1 Yohaana 3:5).

Bakulu baa diini bakaleka Yesu bamwitila haa musalaba. Luhanga niye akasiima ati kibe kuwo, nanga ekaba eli ntegheka ya Luhanga kujuna bantu be mu mulingo oghu (Yohaana 10:11; Bikoluwa bya bakwenda ba Yesu 2:23; 4:27-28). Yesu akakuwa nga kihonguwa niikuwo Luhanga atughanile bibhi byatu (1 Yohaana 2:2). Hambele, Bayudaaya baahongagha Ntaama, na Yesu ali nga Ntaama nanga naye akasaluwa niikuwo atuuy'o bibhi byatu (Yohaana 1:29; Bahebbulaniya 9:28. ) Yesu bakamuhuula kandi bamukonkomeelela misimaali haa musalaba kandi niy'o aakwiliye. Obu Yesu aamaliye kukuwa, baamujika,

## Kubatija



Haliyo milingo ekaniye ya mbatija mu Bakulisitaayo b'obwalo. Mu Ndaghaano Mpyaka tukusomagha ngoku Yohaana aabatijilagha mu maasi (Matayo 3:6). Kubatija kwa Yohaana kwolekagha

ngu bantu baamaliye kwekuukamu bibhi byabo (Matayo 3:7-11; Maliko 1:4-5; Luka 7:29-30; Bikoluwa 19:4). Yesu bakamubatiyila mu maasi, teeli ngu nanga akaba ali na kibhi kya kwekuukamu, bhaatu kikaba ngu niikuwo abhonganuuwe kubatijibuwa atiy'o (Matayo 3:13-17).

Yesu akaghambila bakwenda be kubatija bahikiliya baahyaka (Matayo 28:19; Maliko 16:16; Bikoluwa 8:12-13). Yesu taabatiye bakwenda be bbaa, bhaatu bakwenda be bookudubha bakabatija abaabaasiy'o (Yohaana 4:2). Kubatija kuni kukwoleka ngu Luhanga abaghaniye bibhi byabo, kandi kyakoluwagha haa luhande mbakumiya Luhanga (Esetuwe, Luhanga mwana na Luhanga Mwoyo Ahikiliye) (Matayo 28:19; Bikoluwa 2:38,41; 8:36-38; 9:18; 10:47-48; 16:14-15,31-33; 18:8; 19:4-5; 22:16).

Kubatijibuwa kukwolekagha kihanda kya kutaaha mu Kilisito, eki niikiyo kanisa ekughilagha eti niikuwo kujiikuwa kulugha mu bwomiili bw'ambele na kuhumbuukila mu bwomiili buhyaka (Balooma 6:1-4; 1 Bakolinto 12:12-13; Bagalatiya 3:27; 1 Peetelo 3:21).

Kubatijibuwa na Mwoyo Ahikiliye kukatandika haanuma ya kuhumbuuka kwa Yesu (Matayo 3:11; Maliko 1:8; Luka



Bumui bwatu na Luhanga Esetuwe tabusighikiye haa kwobaha kifubilo kya Luhanga kedha kiinigha kiye, bhaatu haa kukunda kuwe oku ali nakuwo haabwaatu (Balooma 8:15; 1 Yohaana 4:17-18). Bughabe obu tuli nabuwo mu Kilisito tabukumaniisiya bughabe bwa kusiiisa kedha bughabe bwa kutatuhana kedha kutufubila nitwabaaye tusobeeiye (Bagalatiya 5:13; 1 Timiseewa 5:20; Bahebbulaniya 12:1-17). Luhanga alitubuuliya byona ebi tukukolagha (Balooma 14:10-12).

Obu tukuhagha Luhanga kitiinisa kandi ni twamuhutiya ng'Ahikiliye, kandi ntwahutiya Yesu nga Mukama waatu, eki kikutukoonelagha kubhenga kukola kintu kibhiihiye mu bwomiji bwatu (Nsimo 8:13; 16:6; 2 Bakolinto 7:1; 1 Peetelo 1:17-19; 3:15-16).

Muntu oghu ahikiliye Yesu Kilisito akukyolekeelagha mu budhooti buwe. Akukundagha bantu banji na ngighu siye syona mu kiikalo kya kubooha (Matayo 5:43-44; Luka 6:27). Akughanilagha bantu mu kiikalo kya kukuukiliya bantu mu bubhi (Balooma 12:17-21; Beefeeso 4:31-32). Akukolagha bintu bisemeeye mu kiikalo kya kukola bintu bibhiihiye, nanga ni muntu oghu akuukalagha naasiima Luhanga haabwa ngughuma siye (Beefeeso 4:17-29; Bahebbulaniya 12:28-13:18).

bhaatu mu bilo bisatu, Luhanga aamuhumbula. Luhanga aatodha aamuukiya mu eghulu (Luka 22:63-24:53).

Obu Yesu aaghendiyeye mu eghulu aasitama haai-haai na Luhanga mu kiikalo kya kitiinisa (Bahebbulaniya 1:3). Niibuwo aatusabila ewaa ese wee (Balooma 8:34; 1 Yohaana 2:1). Yesu akuukala mu eghulu kuhikiya haa kilo eki Luhanga akukoma eye kutoodha kukuuka muni muni mulundi ghwakabili (Bikoluwa bya bkwenda baa Yesu 1:10-11; 3:20-21). Kilo kimui Luhanga alitwila bantu boona b'omuni muni musango (Yohaana 5:22, 27-30; Bikoluwa 10:42; 17:30-31).

## Mwoyo Ahikiliye

Mwoyo Ahikiliye akab'o bwile bwona kandi naye akaba mu kuhanguwa kwa nsi (Kubanja 1:1-2; Jabbuli 104:30). Mwoyo Ahikiliye



akubughagha na bantu (Bikoluwa 8:29; 11:27-28; 13:2; 21:9-11). Mwoyo Ahikiliye akwekambiisiyagha bantu, abaghambila haa kibhi na kilungi, aabakoonela kwetegheeleliya majima ghaa Luhanga kandi aabooleka hambali babhonganuwe kughendagha n'eki babhonganuuwe kukola (Yohaana 16:7-8,13; Bikoluwa 16:6-7). Mwoyo Ahikiliye akusaaliluwagha obu tukukolagha bintu bitasemeeye kedha obu tukubhengagha kuughuwa bilaghilo bya Luhanga (Beefeeso 4:30). Luhanga akuhagha bahikilija Mwoyo Ahikiliye

kwoleka ngoku bali be. Akubahaagha Mwoyo Ahikiliye nga kitwike kyokudubha kya mugisa ghuwe oghu bantu balitunga obu baliba bamaliye kujunuwa kwonini (Beefeeso 1:13-14).

Bbajbuli ekwegheesiyagha eti Luhanga akukolelagha mu nsi eni naasaalila mu Mwoyo Ahikiliye (*Isaaya 63:7-14*). Mu Ndaghaano Nkulu, basobolooye Mwoyo Ahikiliye bati ni Luhanga enini aliyo (*Jabbuli 139:7*). Mwoyo Ahikiliye akaleka balangi b'omu Ndaghaano Nkulu baalanga ebyaghendagha kub'o (1Peetelo 1:10-11). Mwoyo Ahikiliye akuleetagha maani ghaa Luhanga mu bantu (Luka 1:35; 4:14; 24:49; Bikoluwa bya bakwenda baa Yesu 1:8; 10:38; Balooma 15:19).

Yesu atakatandikiye mulimo ghuwe ghwa kwegheesiya, kukiliya na kubhing'o bantu bilimu, Mwoyo Ahikiliye akamusund'o mu kisanani kya kiibbimbo (Luka 3:22-23). Mwoyo Ahikiliye aaha Yesu maani ghaa kukola milimo yee obu anabaagha muni muni (Luka 4:14-19) kandi kukola byakuswekaniya (Matayo 12:28; Bikoluwa 10:38). Yesu aaghambila bakwenda be kulind'o kandi kuukala mbasabila kimui kuhikiya bantungiye maani ghaa Mwoyo Ahikiliye (Luka 24:49; Bikoluwa 1:4-8; 2:1-4). Obu Mwoyo Ahikiliye abaasiyo, baatunga maani ghaa kutebeja Makulu Ghasemeeye kandi kukola byakuswekaniya (Bikoluwa 4:31; Bahebulaniya 2:4).

Muntu akaakusimaga Yesu kandi naafooka mukulisitaayo, muntu oghu akubaagha afookiye mwomiili mu mwoyo kandi abyauwe bwa kabili haabwa Mwoyo Ahikiliye (Yohaana 3:3-7; Tito 3:5). Kini kikumanisiya ngu Mwoyo Ahikiliye ali mu bakulisitaayo kandi ngu mbantu

balamughilaghamu ahikiliye) (Bikoluwa 26:18; Balooma 1:7; 1 Bakolinto 1:2; 6:11; 2 Batesolonika 2:13; Bahebulaniya 10:10,14; 13:12; 1 Peetelo 1:2). Nanga bahikilija ni bantu baa Luhanga abahikiliye, bwomiili bwabo bukwetaghisibuwa kwoleka buhikiliile obu (Bakolosai 2:20-3:17; 1 Batesolonika 2:10-12; 1 Peetelo 1:14-16; 2:9-12). Babhonganuwe kuukala mu bwomiili bwa mbaghanija na njikala ya bantu banji baa muni eni eghi balimu (Yohaana 17:15-16; 2 Bakolinto 6:14-18).

Mwoyo Ahikiliye akukuukiyagha muntu buhyaka obu akubyaluwagha bwakabili mu mwoyo kandi amugubhiisiya kubhenga kibhi, akola ebisemeeye (2 Bakolinto 5:17; Tito 3:4-5; 1 Peetelo 2:24). Mwoyo Ahikiliye akuukalagha mu Mukulisitaayo kumukoonela kubhenga mikolele yee y'ambele, niikuwo adhotele ebi Luhanga abbaliye (Balooma 6:6-22; 7:4-6; 8:5-15; Bagalatiya 5:16-25). Ngoku Mwoyo Ahikiliye akutukoonelagha kuhindula nteekeleja yaatu kandi ahindula byelilikano byatu na majima, kikutukoonela kuba bantu badhooti kandi kuukala mu bwomiili buhikiliye (*Isaaya 55:6-7*; Balooma 12:1-2; 2 Bakolinto 10:3-5). Buli muhikilija weena ali na bujunanijibuwa bwa bukooneli bwa Mwoyo Ahikiliye niikuwo mubili ghuwe na byelilikano biye bibe bihikiliye anali muni muni kusaalila mu budhooti, kweghesebuwa, na ngeso siye syonini sya buli kilo (1 Batesolonika 9:24-27; 1 Batesolonika 4:1-8; 1 Timiseewa 4:7-8; 2 Timiseewa 2:19-25; 2 Peetelo 3:14; 1 Yohaana 3:1-3). Mu ngughuma na kukunda kwa Luhanga, akutuhanagha/atufuubila ghuli mulingo ghwa kutwegheesiya niikuwo tuukale mu bwomiili buhikiliye kandi bweliye (Tito 2:11-14).

- Aafoola bantu abaabaagha ngighu sya Luhanga kuba babhootu siye (Balooma 5:10-11; Bakolosaai 1:21-22).
- Aafoola bantu abaabaagha batamumaniye kuba baabhootu siye kandi kuba bantu baa ka yee kandi bagwetuwa (Yohaana 1:12; Balooma 8:16-17; Bagalatiya 3:26; 4:6-7; Beefeeso 2:19; Bakolosaai 1:21-22).
- Akuuyagha bantu mu mwelima abaleeta mu kyeleeli (Yohaana 3:20-21; 12:44-46; Bikoluwa 26:18; 2 Bakolinto 4:6; Bakolosaai 1:13; 1 Peetelo 2:9).
- Akuhindulagha Luku na kutusoghosa mu bwomili na kuhumbuuka (Yohaana 11:25-26; 20:31; Balooma 5:17-18, 21; 6:23; 8:1-2; 1 Bakolinto 15:20-22; 1 Yohaana 5:13).
- Akufoolagha bantu abaabaagha bakuyee mu mwoyo kuba boomili mu Mwoyo (Yohaana 3:3-8; Beefeeso 2:1-5; Bakolosaai 2:13; 1 Peetelo 3:18).

## **Kwelebuwa (Kuta kintu “haa kpemgbu”; kuba Ahikiliye kandi kuukala mu bwomiili buhikiliye)**




Muntu akaakuhikilijagha Yesu (n'aba Mukulisitaayo), Luhanga akumughanilagha bibhi biye, amweliya kandi amuta haakpemgbu nga muntu oghu abaaye mu bantu baa Luhanga abahikiliye (kikumaniisiya ngu, eeleebeewe kandi

baa Luhanga (Balooma 8:9). Mwoyo Ahikiliye akwebembela kandi alinde bantu aba kandi abeegheesiye (Yohaana 14:26; Yohaana 16:13; Balooma 8:14). Mwoyo Ahikiliye akukoonelagha Bakulisitaayo kusingula bintu bibhi ebi bakuukalagha mbeeghomba mu bwomiili bwabo (Balooma 8:13; Bagalatiya 5:16-18).

Mwoyo Ahikiliye niye akwebembelagha Mukulisitaayo, kini kikweyolekelagha mu ngeso sya Mukulisitaayo oghu, na njikala ya bwomiili buwe bwa buli kilo (Bagalatiya 5:22-25; Beefeeso 5:18-21). Mwoyo Ahikiliye akukoonelagha Bakulisitaayo mu kusaba kandi akutusabilagha dhe (Balooma 8:26-27; Beefeeso 6:18; Yuda 20-21). Na Mwoyo Ahikiliye akukughijagha Yesu (Yohaana 16:14). Bakulisitaayo tababhonganuwe kuhakaniyagha milimo ya Mwoyo Ahikiliye (1 Batesalonika 5:19-21).

Mwoyo Ahikiliye akuhaagha bahikilija bisembo bya mbaghanija. Tubhonganuuwe kukoolesiya bisembo ebi haabwa kukoonela bantu banji niikuwo bagubhe kuukula mu bwomiili bwabo bwa Bukulisitaayo kandi na bantu batali bahikilija bagubhe kutunga kusukululuwa kwa majima ghaa Luhanga (Balooma 12:6-8; 1 Bakolinto 12:4-31 na Nsuula 13 na 14). Mwoyo Ahikiliye akuhaagha milimo/buheeleliya butasusaane mu bantu niikuwo bagubhe kukooneluwa mbakoonelana bonkaha-na-bonkaha niikuwo baakule mu Mwoyo na mu kukunda (Beefeeso 4:11-16).

# Bbaibbuli (Bibandiko bya Luhanga)



Byona ebili mu Ebyahandiikuwe, Luhanga eenini niye akaleka byahandiikuwa ngoku bili. Nahabweki tukugubha kubikoleesiya kwegheesiya bantu njegheesiya ya majima, kuhana abasabeeiye,

kukoonela bantu kuleka kukola ebibhiihiye, kandi kwoleka bantu ngoku bakugubha kuukala mu bwomijili busemeeye (2Timiseewa 3:14-17; 1 Batesolonika 2:13; 2 Peetelo 1:19-21). Kighambo kya Luhanga nkya bilo n'ebilo (Isaaya 40:8; Matayo 24:35). Kighambo kya Luhanga kili na maani. Kikwolekagha majima na biteekelejo bya bantu (Yelemiya 23:29; Bahebbulaniya 4:12).

Bantu tabakugubha kuukal' o batali na kighambo kya Luhanga (Kyabilaghilo 8:3; Matayo 4:4). Bantu abataakusiimagma kighambo kya Luhanga, maaso ghaabo ghaa Mwoyo ghaaghaaye kandi Sitaani akamala kubadimaaga niikuwo batagubha kwetegheeleliya Makulu Ghasemeeye ghaa Yesu (1 Bakolinto 2:7-10; 2 Bakolinto 3:14-16; 4:3-4). Bantu bakukengagha kubhi Bbaibbuli bwile bwona, batabakooneeye kubasoboolola yo, kandi Mwoyo Ahikiliye abagubhisiyagha kughyetegheeleliya kusemeeye (Matayo 22:29; Luka 24:27,45; Bikoluwa bya bakwenda baa Yesu 17:2-4; 1 Bakoliiso 2:7-16). Beegheesiya bakaniye bakubulanganiyagha kandi bahindula kubhi makulu ghaa kighambo kya Luhanga (Yelemiya 23:23-40; Matayo 7:15;

Eki niikiyo kyabaaye kintu kibhi kya maani ekyabaay'o Yesu obu aabaagha anali muni muni.

Yesu akaba ali kihonguwa kya Luhanga kya kusasula bibhi byatu (Balooma 5:8-9). Eni ni ntegheka ya Luhanga ya kujunilamu bantu (1 Baesesalonika 5:9). Bhaatu Luhanga akudubha kujuna bantu aba bonkaha (kulugha mu kiinigha/kifubilo) hali oghu akwekuukamu bibhi biye kandi ahikilija Yesu Kilisito (Yohaana 3:36; 5:24; Bikoluwa 3:19; 17:30-31; 20:21; Balooma 10:9-10).

Muntu weena oghu ahikilije Yesu Kilisito aliikal'o bilo byona (Yohaana 3:16; Acts 10:43). Bhaatu muntu ateesighiye kihonguwa ekili mu Yesu Kilisito Luhanga akuleka muntu oghu akuwe niikuwo esasuliile kifubilo kya bibhi biye eenini (Yohaana 3:18; Beefeso 2:1-3; Kusuukululuwa 6:16-17).

Muntu naahikilije Yesu kilisito, akubagha abyauwe buhyaka mu mwoyo kandi akufookagha mwana wa Luhanga (Yohaana 1:12-13; 1 Peetelo 1:23; 1 Yohaana 3:1-3). Luhanga akubonagha muntu ng'oghu asemeeye, ali oghu ahikiliye, kandi oghu atali na kibhi mu maaso ghe (Balooma 3:23-26; 4:22-25; 5:17-19; 8:33; 10:8-10; Bafilipi 3:8-9).


Muntu akaakusiimagma Yesu kandi naafooka Mukulisitaayo, Yesu akumuhindulaghamu bintu bikaniye.

- Yesu akaheeka kiinigha kya Luhanga ekyali kituliyo niikuwo tutunge Ngughuma kedha kukunda kwa Luhanga (Yohaana 3:36; Balooma 5:9; Beefeso 2:3-5; 1 Batesolonika 1:10; 5:9; 1 Peetelo 2:10).

obu bahikilija bakuukalagha mbasiisa (Beefeso 4:30). Ntwanakaaye tunali bu bwomiili bwa kibhi, tubhonganuwe tuukale ntusaba kughaniluwa kwa bwangu-bwangu (1 Yohaana 1:9; 2:1-2) kandi bahikilija baanakyatu bakutukoonela niikuwo tuukale tutaakusiisa (Bagalatiya 6:1).

## Kujunuwa

Bbaibbuli ekwegheesiyagha eti taaliyo kintu kyona eki bantu bangukola niikuwo kibajune. Luhanga enkaha niiye akugubha kujuna bantu kandi eki akukikolagha nanga atukundiye (Yohaana 3:16).



Akujunagha bantu nga kitembo ghutali nga musala haabwa kukola bintu bisemeeye (Balooma 3:24; Beefeso 2:7-9; Tito 3:4-5).

Bbaibbuli ekwegheesiyagha eti bantu abakusiisagha kandi baateekuukamu balitunga kiinigha kedha kifubilo kya Luhanga (Bakolosai 3:5-6; Balooma 1:18). Luhanga taabbaliye kufubila bantu, bhaatu oohiye kibhi. Luhanga akat'o kihanda kya kujunilamu bantu. Luhanga akatuma mwana wee mu Nsi kukwila haa musalaba nga kihonguwa (Balooma 3:25; 5:6-10). Luhanga akafubila mwana wee eenini Yesu Kilisito haabwa bibhi byatu. Yesu akakuwa mu kiikalo kyatu niikuwo tube mu bumui na Luhanga (2Bakolinto 5:21). Yesu akaghonja kukola eki nanga atubbaliye kwonini. Obu Yesu akwiliye haa musalaba, akabaghanijibuwa na Luhanga Esetuwe (Matayo 27:46).

Bagalatiya 1:6-9). Beegheesiya baa bisubha aba bali mu kihanda kyabo kya kuhwelekelela (*Jakeeli 13:1-23; Yelemiya 14:14-15; 2 Peetelo 3:16*). Tukwetaghisibuwa kuukula bwile bwona mu majima ghaa kwetegheeleliya kighambo kya Luhanga, ntusaalila mu kukisoma, kukyegheesiya na bweghendeseleja kandi ntukighabana na bantu banji (*Jabbuli 1:1-3; Nsimo 8:10; Yosuha 1:8; Yohaana 17:17; Bikoluwa 17:11; 2 Timiseewa 2:15*).

*Kighambo kya Luhanga kikumuliya (Jabbuli 119:24). Kukwata, kumanya na kudhootela kighambo kya Luhanga, kikutukooneela kutasiisa kedha kuhemuka (Jabbuli 119:6,11,31,46,80,116). Kighambo kya Luhanga kikuhaagha maani kandi kihumuliya (Jabbuli 119:28,50). Kumanya na kudhootela kighambo kya Luhanga, kikufoolagha muntu mudhooti kandi wa magheji kusaaliya beegheesiya na bantu bakulu (Jabbuli 119:98-100; 19:7,8). Kighambo kya Luhanga kikuhabulagha kandi kiha kyeleleli (Jabbuli 119:105; Nsimo 6:23). Kighambo kya Luhanga kisaaiye buguudha kandi kinuliliye nga bwoki bwa Njoki (Jabbuli 19:8-10).*

Bbaibbuli eli na bitwike bibili, Ndaghaano Nkulu na Ndaghaano Mpyaka.

Ndaghaano Nkulu ekutughambilagha ngoku Luhanga aahangiye nsi kandi ngoku aakomiye Bayudaaya kuba bantu be. Halimu bilaghilo ebi Luahanga aahaaye bantu be kusalila mu Musa. Bitabo ebili mu Ndaghano Nkulu binji bikutughambilagha ngoku Luhanga asusiye kandi ngoku bantu basusiye haa kubugh'o byafaayo bya Bayudaaya. Haliyo bitabo binji bya magheji na bya bulangi ebibughiyo Yesu n'ebilibo mu maaso. Ndaghano Nkulu ekutwolekagha ngoku bantu baabbalagha munu-munu mujuni na balangi

bakasanguwa babughiyе ngoku Luhanga alituma mujuni. Mujuni oghu niye Mukama oghu Luhanga aakomiye kulema (Kilisito).

Ndaghaano Mpyaka ekutughambilagh'o Mwana wa Luhanga, Yesu Kilisito oghu akaasa muni kuba mujuni oghu Ndaghaano Nkulu yaabughiy'o. Ndaghaano mpyaka ekutughambilagh'o bikaniye haa Luhanga, etughambil'o ngoku Mwoyo Ahikiliye aakooneeye kanisa y'ambele kandi ngoku Luhanga akubbala bantu baakale. Bbaibbuli ekutodhagha etughambila ebilang'o ntwakuuye.

Makulu ghaa maani agha tuumililiy'o mu Bbaibbuli ni Yesu Kilisito, ngoku bantu bakumwetagha kandi ngoku aniiye enkaha oghu akugubha kubajuna.

## Bantu


Bbaibbuli ekweghesiyagha eti Luhanga akahanga muntu mu kususa kuwe kwa Luhanga kwonini (*Kubanja 1:26-27*). Luhanga akahanga bantu niikuwo tumukunde kandi tumulamiye/ tumuhe kitiinisa / tumuteeleliye. (Kusuukululuwa 4:11). Bhaatu Adamu na Eeva, bantu aba Luhanga aadubhiye kuhanga, baamujeemela, dumbi na bantu boona baafooka bajeemi kandi bakoli ba bibhi bikaniye (*Kubanja 3:1-6*; Balooma 3:23; 5:12).

Bantu batali bahikilija bakuukalagha bali ngighu sya Luhanga (Balooma 8:7; Yakobbo 4:4). Haanuma y'ebi byona, Luhanga akundiye bantu boona kandi akubbala naatu tumukunde kandi tukundangane (Matayo 22:37-39; Yohaana 3:16; 13:34-35; Balooma 12:10; 13:8-10; Bagalatiya 5:13-15). Luhanga akubbalagha bantu boona

kumanya kandi kusima majima kandi bajunuwe niikuwo baabe baa bughabe (1Timiseewa 2:3-4; 2Peetelo 3:9).

## Kibhi

Bbaibbuli ekweghesiyagha eti bantu boona bakasiisa, nanga tuli baasukulu baa Adamu na Eeva abaasiisiye Luhanga (*Jabbuli 14:1-3*; Balooma 3:9-12,23;



5:12). Kibhi niikuwo kujeemela Luhanga. Muntu weena oghu akughilagha ati tali na kibhi kedha ati taakasiisagha, oghu akuba naaha bisubha byonini (1Yohaana 1:8). Bantu mbabhengiye kwekuukamu, kandi bakuuk'o Mukama Luhanga, kiinigha kya Luhanga kikubaakal'o kandi balitunga kifubilo kya Luhanga (Bakolosaa 3:5-6; Balooma 1:18; Bikoluwa 17:30-31). Bhaatu abaatungiye kughanila kwa Luhanga kusaliila mu kukuwa kwa Yesu aba niibo balijunuwa kiinigha kya Luhanga kandi tabalitunga kifubilo kya Luhanga (Yohaana 3:36; Balooma 5:8-9). Kifubilo kya kiibhi niikuwo kwebaghanija na Luhanga na kukuwa (*Kubanja 2:17*; Maliko 15:34; Balooma 5:12; 6:16,23).

Bahikilija baa Yesu tababhonganuuwe kuukala mu bwomiili bwa kibhi (Maliko 9:43; Balooma 6:1-23; 1Bakolinto 6:18; 8:12; 15:33-34; 1Timiseewa 5:20; Bahebbulaniya 12:1). Mwoyo Ahikiliye akusaliluwagha